

1 Abraham Phîni Êphû Isaac Êmă

Bă Isaac khībā phî êmă êkhī nu, Abraham ka ègûphû èdûèprā tara dǒ è do rû, "Kònôhǒ hě phû Isaac khībā phîhtǒ êmă mèbû na bā phîni thèdè nā wa Canaan èmāmū haō. Na bā ge kēlanithă to nā wa hēsühěkhǒ," è do rû. Ègûphû hanu tara lě, Abraham do nā ètè è rana takitakû, è phîni kalaǒ dǒsǐ dǒ è kani êkhǒgûphû toō dokēu è cǒge ǒ htǐghā ha Abraham èsühěkhǒ ô nu.

È ge ge dokēu bă è tǒge rûkhǒ ǒ we ha Abraham èsühěkhǒ ô nu tawe èkǒhtǐ êkhī nu, è ge ôdă rûkhǒ. Wanu tapē mē htǐ-adòkǔ ô takǔ dokēu Abraham ègûphû hanu tara thabăhǒ Bicā dǒ è do, "Kǒ Bicā cǐbā magē kēsô hě ge wa taritakě hajô tikî. Kònôhǒ hě tǒgehtǒ ô htǐ-adòkǔ kǒhtǐ hajô. Depemē māmūphûthā thǒ lè adò htǐ dǒ ènārûkhǒ êkă tara, 'Î-ǒpā hě htǐ,' hě thǒ do nā dǒ 'Ô pè! Na kalaǒ ǒ ènākhǐ hě adòni dǒu nā,' è bā do doanî mē, ènā mē towă nagûphû Isaac èmă ha na rûhǒni nā nu tara," è thabă thakanu.

Bă è thabă mopě êkhīnu, māmū tara èmi mē Rebecca, tǒlè ô htǐ-adòkǔ kǒhtǐ dǒ è lè adò htǐ. Gûphû hanu tara plēlèbā nā dǒ "Î-ǒpā hě htǐ," è do rû. Rebecca dothă nā, "Eh...ǒ pè! Ô hajô dokēu na kalaǒ ǒ ènākhǐ hě adòni dǒu nā," è do rû dǒ è adò-ǒni dǒu rûkalaǒ è htǐ. Bă è î-ǒ lôhtǒ rûkalaǒ èhtǐ êkhīnu, "Na mē hǒphûhǒlǐ tholè? Pa ôdă nākhǐ gholā ô ô thǐsǐ ò?" gûphû hanu tara lè nā. Rebecca sǒba-i nā wa èrièkě dǒ bă è thǐjăi Rebecca mē Abraham èsühěkhǒ êkhīnu, è thǐjăhǒge Bicā ètaritamo. È do, "Kô Bicā tamoba na. Na ma tǒge tǒlè rǔlě hě ǒ Abraham èsühěkhǒ ô," è do. Bănühěkhǐ, Rebecca cǒ plēge ô sǐ dǒ è ge sǒba-i wa èmǒèphă dokēu èwē Laban lè kage gûphû hanu toō ô sǐ.

Bă gûphû èdûèprā nu tara tǒge ô Rebecca èmǒ-phă èsǐ nu, è dăhtǔi ènā mē Abraham ègû, dǒ Abraham mālò nā thakapè, dǒ bă è thabă akücibăhǒ Bicā êkhī nu, Bicā magē nā thakapè nu. Bă Rebecca èmǒèphă dǒ èwē Laban kènăhǒ taritakě thakajô nu, Rebecca èmǒ do, "Ta hajô mē è basē wa Bicā. Pa lôbā dope towă tadămǐ haō. Rebecca ô prē hanu nè. Na geka-i prē nā wa Isaac èmă haō wò," è do rû. Bă gûphû èdûèprā nu tara kènăhǒ è do rûkhǒ thakajô nu, è thǐjăhǒge thòdǒ Bicā ètaritamo taplăpe. Htǒtòkhǒ è phǐhǒ rǔ, htă, kǒtǒkòdă dokēu è î wa Rebecca dǒ èmǒèphă.

Gûphû hanu toō simǐja ô Rebecca èmǒèphă èsǐ tathă. Ènǒkǒ tini è sathèrè rothǒ dǒ è kani Rebecca dǒ è cǒ geka-i rû ô Isaac ô.

2. Bicā Suri Isaac

Bă Isaac ègũkhă nu, tathòwithòö ôhõ ô Canaan èhtìèghā. Bicā do Isaac, “Salè komā ô htìghā èkhōra komā. Òlò tara ô Canaan èhtìèghā wajô. Lè ò ô gholā ha hě jûni na depe nu taghlò. Hě thõ ògû na dõ hě thõ suri na. Hě thõ maběhõ hě talõghlò ha hě ma lõghlò wa naphă Abraham nu. Hě thõ î na dõ naphũhtiligũ ètaõcädäbē wa Canaan èhtìèghā hajô. Hě thõ ma òa-parõ lõlěblēsũ naphũhtiligũ thaka sã ô môla nu. Hě thõ suri nārũkhõ dõ ènārũkhõ èkhũecă hăkhũphũli thăghāla thõ nibā hětasuri. Matètědomě, naphă Abraham kěnā hějõ dõ è lũgũ magũ hětamālò ecă nu,” è do rû thakajô.

Isaac nulě Bicā jûni nã ètě è lè-õ ố gholā ha Philistine phũli dõ è saphrā ò nu taghlò. È lè ò wanu dõ è lè sòlò-ã tamũtapā dokẽu èta èphõèthāhõ òa-õrõ. Ètaphũtali dõ ègũphũ numě è òa-õrõhõ dõu. È dũjõ-mõtrõhõ dokẽu Philistine phũli kětõ nã haõ. È mabija rû htĩkũ ha è dõ-ã-i nu dõ Philistine phũli èsaphrā do nã, “Kònõhõ naphlũ nathere dũkhlõjãhtõ pa. Sahõja ô paghā èkũ wajô,” è do rû.

Bănuèkhĩ, Isaac sahõja ô gholā hanu taghlò dõ è sa dõ õhtũ-õlò ja taghlò htõ taghlò. Bă è lè ò ố gholā taghlò ha, è do rûmi wa Beersheba èkhĩnu, Bicā robāsĩthă nã taplāpe dõ è do rû, “Hě mẽ naphă Abraham èBicā. Bajõi komā. Hě thõ ògû na. Hě thõ suri na dõ hě thõ kětũ- rõhõja-i na,” è do rû.

Bă è ò ố wanu èkhĩnu, Bicā ògû nã dõ Bicā suri nã dokẽu ècõdũdũ dũjõ-bõtrõhõ. Ètaphũtali dõ ègũphũ òa-õrõhõ dokẽu Philistine phũli toõ sisă ègholā. Tini, Philistine phũli èsāphrā dõ èkõjõ thõghlĩ lèbā nã. È do Philistine phũli èsaphrā, “Dõèrĩ thĩ htõsahõja hě ô thĩhtĩ thĩghā èkũ. Kònõhõ thĩ lèbāthă mata hě tề?” è do rû. Philistine phũli èsaphrā dothă nã, “Thaka pa ma khõbājõbā nã dăgā haõ dõ pa htõsahõja rûrũlě tara na ô paghā èkũ nu, na nulě na thõ makhõbājõbā dõu pa dăgā haõ na do doanĩ, dolõghlò pa. Matètědomě, kònõhõ pa thĩjã-ihõ wa Bicā ògû na dõ Bicā suri na nu,” è do rû. Bănuèkhĩ Isaac ma-ã ma-õ nĩ rũlě ènārũkhõ. Bă è ã-õ htõ èkhĩnu, è lõdo lõghlò rû wa talõghlò ha èbāsè wa ta-ã-i-ma-i dõ ta-õmo-õtē nu. Ènõkõ tini è cõ gethă ố èhtìèghā rũkhõ.

3. Esau Lē-āja Èphûkhûprā Ètasuri wa Thibǎthā Tadǎ-ā

Bǎ Rebecca dǎ Isaac ǎplǎhtǎ rû ghēnē bǎ dēkǎsǎ èkhǎ nu, èphûèli ǎ nǎ rûkhǎ dǎra haǎ. Mathaka èphû cǎ-ǎ nu, Isaac lè thabǎ akûhǎ Bicǎ. Bicǎ kēnalǎ ètathǎbǎ dokēu Rebecca dǎhǎ. È dǎhǎi èphû thǎghli. Èphû hanu thǎghli mē è lǎmatèpē rû tara dǎ tara. Rebecca ǎgǎ haǎ tǎkhǎ è do Bicǎ, “Mē ta tha htǎhǎ thakajǎ mē èrièkē mē tètè?” è lè rû. Bicǎ do nǎ, “Na nu mē, na dǎhǎi kǎjǎ thǎghli. Kǎjǎ hanu thǎghli mē è thǎ htǎhǎ wa kǎjǎ ghimǎ. Tamǎ dǎ tamǎ mē è thǎ lǎmatèpē rû. È ǎlǎrǎ nu tara èsǎèlǎ mē, è thǎ ǎ bǎ ǎ è ǎlǎnǎ nu tara èsǎèlǎ ètaǎ-i pē-i èlǎla,” è do rû.

Bǎ Rebecca phûgǎ èkhǎnu, è phûgǎlǎi èphûmakhǎ thǎghli. È ǎlǎrikǎ nu tara mē, èjǎ lí, è sǎdǎ dokēu è do rûmi wa Esau. È ǎlǎnǎ nu tara mē è pǎ-i Esau èkhǎnēkǎ dǎ è ǎlǎ dokēu è do rûmi wa Jacob.

Bǎ Esau dǎ Jacob dǎhǎ èkhǎnu, Esau mē pra lè ǎ mikǎ, pra lè kha tamitamǎ. Jacob mē è ǎ ǎ sǎ dǎ è ma sǎ ètaphǎtama. Tinitathǎ, Esau lè ǎ mikǎ ge dǎ è ge kèhtǎ Jacob phǎ-ǎ thibǎthǎ dǎ “Î-apǎ hǎ thibǎthǎ hanu. Hǎ thǎwi,” è do rû. Jacob do nǎ, “Na bǎ î hǎ wa phû èprǎ ètasuri doani hǎ ku î-ǎ na,” è do ru. È dothǎ Jacob, “Phû èprǎ ètasuri mē hǎ thǎ ma phro wa tètè? È thǎ dǎbǎ phro hēnǎkhǎ wa tètè? Hǎ thǎwi! Hǎ thǎ thǎ towǎ! Î-apǎ bǎ hǎ thibǎthǎ hanu,” è do rû. Jacob dothǎdǎ nǎ, “Na thǎ î hǎ wa phû èprǎ ètasuri doani, ǎlǎ-ǎlǎ hǎ. Do lǎghlǎ hǎ dokēu hǎ ku î-ǎ na,” è do rû. Bǎnuèkhǎ Esau do lǎghlǎ Jacob dokēu Jacob î-ǎ ènǎ thibǎthǎ.

Mathakanu ècǎ, Esau numē, è ǎbǎjabǎ èphûkhûprǎ ètasuri haǎ dǎ è lē-āja tara rû wa thibǎthǎ tadǎ-ǎ unǎ.

4. Jacob Plānija Èwē Esau Ètasuri

Bă Jacob prālò dǒ èmôghī khijahtǒ èkhīnu, è ka èphû Esau dǒ è do, “Kǒ hě phû, khōnòhǒ hě prālòhtǒ dǒ hě thō thīhtǒ. Mèbû bă hě thī hǒ haō nu, hě thòle suri na. Tòkhòò phīni nasīthō (thithō) dǒ èblā dokēu lè khani hě tami. Hě tō ā natamijā dokēu hě tō suri na,” è do rû.

Mèbû bă è do èphû Esau thakajô èkhīnu, èmă Rebecca kēnāhǒ. Bă Esau cǒ lèjahtǒ ô mikă èkhīnu, Rebecca do èphû Jacob, “Kǒ hěphû, hě do na tètètè kēnā nī. Cǒ lè ô pēpokǔ dǒ lèphī pē wa èbūèthû ghidǒ dokēu gei hě wajô. Hě aphǒni na dokēu lè-i wa naphă. La ā nā dokēu la suri nā wa na,” è do rû. Jacob nulě è cǒ lè ô pēpokǔ dǒ è lèphī pē èbūèthû ghidǒ dǒ è ge-i wa èmō. Èmō aphǒni nā. Bă è aphǒbǔ htǒ pējā èkhīnu, è phī èphû Esau èsidǒ dǒ è î tho wa Jacob. Jacob ècudě mē èsu-èpā ô haō ècă, è phī pēphe dokēu è bō-i rûta. Htǒtòkhòò Jacob phī pējā hau dǒ è lè-i wa èphă dokēu è do èphă, “Kô phă sathèrè sinǒlò-ā tajā hajô dokēu suri hě pè,” è lè do rû. Èphă do nā, “Na mē hǒtholè?” è lè rû. “Hě mē Esau nī” è dothă èphă. Èphă dothă nā, “Ha natami sa nijǔ kètējǒ wa-atè?” è do rû. “Mē Bicā magē hě dokēu è î nijǔ hě tami,” è dothă èphă. Bănu èphă do nā, “Na mē Jacob hamē Esau? Lèbûhtī hě wajô hě pōbā kē na,” èphă do nā. È lèbûhtī èphă dokēu èphă pōbā nā dǒ è do rû, “Nacudě mēkhē Esau ècudě, mèbû najô mē Jacob èjō,” è do rû. “Na mèmè htǒ Esau ò?” èphă lè thòdǒ nā. “Hě mēkhē Esau nī,” è dothă èphă. Bănu èphă phībā ètajā dǒ è ā. Htǒdokēu è suri rû dǒ è do, “Bicā suri na. Na sǒlò-ā tamūtapā tètètè, è dūhō htūhōni towă na. Èphǒèthā nulě, è ô-a parōhōni towă na. Kòjǒ ghūhtīghūghā dǒ napūnawē, nasūnalě òbā-jabā dǒ khōgū-khōhtē towă na. Kòjǒ ha è ma khōbā-jòbā na nu toō mē, è khōbāthă dǒu towă. Kòjǒ ha è suri na nu toō mē, è nibāthă dǒu towă tasuri,” è do rû. Bă èphă surihtǒ nā nu, è cǒ sahōja.

Ô trôdôthā, Esau ô ô mikă tǒge dǒ è ge aphǒni èphă ètamijā. È lè-i wa èphă dǒ è do rû, “Kô phă, sathèrè a tamijā hajô dokēu suri hě pè,” è do rû. “Na mē hǒtholè?” èphă lè nā dokēu “Hě mē Esau nī” è dothă èphă. “Ha dokēu è lè-i-ā hě tajā ninǒ tara mē hǒtholè? Mahau doani napū lè plāja htǒ prē natasuri ūlè,” èphă do nā. “Ha hě nākhī tasuri ôpe dăgā haō wò? suri dǒu hě,” è do èphă. “Napū Jacob lèplāja htǒ prē na tasuri nè. Na nākhī tasuri ô pē dăgā haō,” èphă dothă nā. Bănu Esau kěthūkěthò dǒ cǒ sahōja ô khǒ. “Hě phă dǒ thīja depe tini mē, hě mathī dǒu tara na,” èghūèklā è pū Jacob èpra.

Bă è do thakajô èkhīnu, è mō Rebecca kēnāhǒ dokēu è sōba-i wa Jacob dǒ è do rû, “Kǒ hě phû, hě kēnāhǒ nawē do na thakajô. Tòkhòò prǒ natakitakû dokēu cǒ lè ôgūja naphădū Laban nī. Lè ôja wanu tǒhtǔ nawē ètakěthò lūmaja nu,” è do rû. Bănu, Jacob prǒ ètakitakû dǒ è cǒ lèja ǒ èphădū Laban ô.

5. Jacob Ètasĩmò

Bă Jacob sarēja ewē Esau ègholā dǒ è lèja ô èphǎdũ Laban ô èkhĩnu, è lè lè dokēu ghākhi laja nā taghlò dokēu è simĩja. Bă è thō simĩ èkhĩnu, è phĩ lō tama dǒ è gogrũ-i rũ. Lumũna èkhĩ, è sĩmǒ wa sōbǒdũ takhũ ô ô hākhũ cǒ tǒhǒ ǒ mōkhũ dǒ Bicā ètranǎphũ hǒ dǒ lǒ gũ sōbǒ hau takhũ. Dǒ è sĩmǒ wa Bicā lihōni nā dǒ Bicā do nā, “Hě mẽ Abraham dǒ Isaac èBicā. Hě thō î na dǒ naphũhtĩligũ èta-ōcǎdǎbē wa htĩghā hajô taghā. Hě thō ma ô-a-parō lǒlē-blēsũ naphũhtĩligũ thaka hāmũ nu. Hě thō suri nārũkhǒ dǒ ènārũkhǒ èkhũècǎ, hākhũphũli thǎghāla thō nibā hētasuri. Hě thō ôgũ na dǒ hě thō kētũ-ròhǒja-i na. Hě thō lalòteja thèdè na haō. Hě thō thōgethǎ na depe ô htĩghā hajô taghā èkũ taplāpe,” è sĩmǒ wa Bicā do na thakanu.

Bă è simĩkhò èkhĩnu, “Ghā taghlò mẽ Bicā è gholā tarawā,” è do dǒ è phĩ lō ha è simĩ gogrũ-i nu tama dokēu è lũlò rũ. È sũra rũ wa htehtĩ dǒ è do Bicā, “Na bā ôgũ hě, na bā kētũ-ròhǒja-i hě, na bā ilò hě sa-ā saphĩ dǒ takũtatho, dǒ na bā thōgethǎ hě ô htĩghā hajô taghā èkũ taplāpe doani mẽ, na mẽ nacē khē hěBicā. Dǒ gholā hajô taghlò mẽ, è htũhǒ towǎ wa ta-thābǎ na ègholā. Na î-lò hě ta tètē èè, na î-lò hě plāsĩ numē hě thō îgethǎ na taplā,” è do rũ thakanu. Dǒ è do gholā hanu taghlò èmi wa Bethel. Bethel èrièkē mẽ Bicā è sĩ. Htǒdokēu è cǒ lèlèthǎ ǒ èphǎdũ Laban ô.

6. Bicā î-lò Jacob Èphûëmă

Bă Jacob t̄lè ô èphăd̄ũ Laban ō nu tadōs̄ō èd̄ōb̄ò nu, è lè kèht̄i prakē-i th̄ō toō th̄ō lè i-ō èth̄ō èht̄i, đ̄ “Th̄i th̄ij̄ai Laban h̄ō do nu tara ò?” è lè r̄u. “Pa th̄ij̄ai kh̄ē nā,” pra kē-i th̄ō doth̄ă nā. Bă è do r̄u thakaj̄ō èkh̄inu, prakē-i th̄ō toō kèht̄i Laban èphûmăm̄ũ ègāu nu tara, th̄ō lè i-ō d̄ōu èth̄ō èht̄i đ̄ è lè ak̄ō-i èth̄ō dokēu “Èphûmăm̄ũ ègāu m̄ē pr̄ē ốnu tara nè,” è do r̄u. Bănũ, Jacob lè-ad̄oni Laban èphûmăm̄ũ èht̄i đ̄ è i-ō wa r̄uth̄ō. È maht̄ō thakanu dokēu, “Na m̄ē Laban èphû è do ò?” è lè r̄u. “È m̄ēkh̄ē! H̄ē m̄ē Laban èphû!” măm̄ũphû hau tara doth̄ă nā. Bănũ, “H̄ē m̄ē th̄ă nath̄ăhub̄ũ lè. H̄ēm̄ō đ̄ naph̄ă th̄ă è lò th̄ăp̄ũth̄ăw̄ē r̄u lè,” è do r̄u. Bă Laban èphûmăm̄ũ k̄ēnăh̄ō thakaj̄ō nu, è c̄ố pl̄ēge ô s̄i đ̄ è ge s̄ōba-i wa èph̄ă dokēu èph̄ă Laban lè kage Jacob ô s̄i.

Laban num̄ē èphûmăm̄ũ ō thòghli. Ègāu nu tara m̄ē ègr̄ă dokēu Jacob th̄òj̄ũ èta. Tini Jacob do èphăd̄ũ Laban, “K̄ố phăd̄ũ, h̄ē th̄ō ògũ na waj̄ō đ̄ h̄ē mani nataph̄itama n̄ēd̄ē dokēu î h̄ē wa naphûmăm̄ũ ègāu nu tara è d̄ă ò?” è do r̄u. “È d̄ă tara!” èphăd̄ũ do nā đ̄ è ògũ èphăd̄ũ đ̄ è mani r̄u taph̄itama.

Bă è mani ht̄ō èphăd̄ũ ètaph̄itama n̄ēd̄ē nu, èphăd̄ũ ip̄ō èc̄ũd̄ē wa èphûmăm̄ũ ègāu nu tara. M̄ēb̄ũ bă lum̄ũha èkh̄inu, è î-lè sim̄ĩgũja r̄u wa èkh̄ũpr̄ă nu tara. Bă lum̄ũ l̄ĩ èkh̄inu, Jacob sath̄er̄è kèht̄i nā đ̄ è th̄òk̄ònò. È lè do èphăd̄ũ “M̄ē h̄ē mani na taph̄itama n̄ēd̄ē èk̄ũ m̄ē na phûmăm̄ũ ègāu nu tara ènăkh̄i towă pr̄ēth̄ālè, na sa ma h̄ē thakaj̄ō m̄èt̄ē?” è do r̄u. Èphăd̄ũ doth̄ă nā, “Pa ô waj̄ō num̄ē, paht̄ōc̄ă-lăkl̄ō ō thakaj̄ō dăkh̄ō haō. Phû èpr̄ă lòte h̄ō s̄i haō ther̄ē, phû ègāu nu l̄ē è b̄ă ph̄i-ph̄i-ph̄i-w̄ũ h̄ō h̄ăo t̄ōt̄ō. Mathaka nu èc̄ă, na th̄ō man̄i th̄òđ̄ h̄ē tama n̄ēd̄ē doan̄i m̄ē, na taph̄icud̄ē pw̄ē haj̄ō b̄ēht̄ō n̄ēni doani h̄ē î th̄òđ̄ na wa h̄ē phûmăm̄ũ ègāu nu tara,” è do r̄u. È l̄ēkh̄ō èphăd̄ũ Laban ètarob̄ă đ̄ bă ètaph̄icud̄ē pw̄ē b̄ēht̄ō n̄ēni nu, èphăd̄ũ î th̄òđ̄ nā wa èphûmăm̄ũ ègāu nu tara. È ògũ th̄òđ̄ èphăd̄ũ Laban đ̄ è mani th̄òđ̄ r̄u taph̄itama n̄ēd̄ē pe. Bicā ògũ nā đ̄ Bicā suri nā dokēu è î-lò ō-a òr̄o r̄uph̄ũ-r̄ũli.

7. Jacob Nibāthă Èwē Esau Ètaphûplē

Bă Jacob ôgû èphădû Laban êkhînu, Bicā ôgû nā dǒ Bicā suri nā dokēu è î-lò rû phû sǐ dǒ thòghli. È ma ô-a-parō lǒlē-blēsû rûtaphûтали dokēu è dǔjǒmǒtrǒ hǒ. Bă è ô wanu êkhînu tinitathă Bicā do nā, “Gethă ô naphă èhtîèghā,” è do rû. Jacob nulē è kanithă èphû, èmă, ègûphû dǒ ètaphûтали dokēu è cǒ gethă ô Canaan èhtîèghā. È ge ge dokēu bă è thǒ tǒ nuge ô Canaan èhtîèghā êkhînu, è ôdă dǒ è ka ègûphû toō dokēu, “Lèbā hēwē Esau ǒ EDOM èghā dokēu ‘Napû Jacob gethăhtǒ. È nāla-i nataphûplē nā dǒ natalěkhǒthă nā,’ do nā nî,” è do rû. Ègûphû hanu toō cǒ lèbā Esau dǒ è lè sǒba-i rû thaka Jacob mālò nārûkhǒ nu. È gebăthă Jacob rûkhǒ dǒ “Nawē Esau thǒ lèkèhtî na. Ènā dǒ èkǒjǒ prā lǐja,” è do rû. Bănǔèkhî, Jacob sisă dokēu è thabă dǒ è do, “Kǒ Bicā, cǐbā magē kēsô hě tikî. Cǐbā malǔhǒge kēsô hě ô hēwē Esau ècuděkǔ. Thînāihǒthă kēsô natalǒghlò ha na ma lǒghlò wa hě nu tikî,” è do.

Ènǒkǒ tini èwē Esau tǒlèbā nā. È plēlēsū èwē Esau dǒ è lè hulò rûtromo nēplā. Èwē Esau gūsathèrèthă nā dǒ è phoi rû. È thòlethòtē rûkhǒ thăpūthăwē. Bă èwē Esau kèhtî èphû èmă êkhînu, “Kǒjǒ hanu toō mē hǒtholè?” è lè rû dokēu, “Mē hěphû hēmă ha Bicā î-lò hě nu,” è dothă rû. Èwē Esau do nā, “Mathakanu doani na thǒ ma hapè? Na gegû prē hě kǒnǒhǒ haō wò,” è do rû. “Eh...hě gegû dă hǒ na haō nî hēwē. Hěphûhěli gāu mopě toō dǒ hětaphûталі ègāu ô tǒghò. Hě gegû dă hǒ nā taplăkhănă haō. Cǒ gerito hǒ. Pa gegû thòdǒ nǒ towă năkǒ depe,” è dothă èwē Esau. “Ô! È dă tara!” èwē do nā dǒ èwē cǒ gěthăto ǒ èō nu taghlò. Mèbû Jacob mē thaka Bicā mālò nā ètē nu è cǒ genu lěthăto ô Canaan èhtîèghā dǒ è gē ô ô Shechem we kǒhtî.

8. Bicā Suri Jacob dǒ È Htǒ Rûmi Wa Israel

Bǎ Jacob dǒ èphû, èmä dǒ èkòjǒ toō ò ǒ Shechem We kǒhtí èkhi nu, tinitathǎ, Bicā lihōni nā dǒ è do rû, “Hě mẽ Bicā ha, na sisǎ nawē Esau ègholā dǒ na plējā dokēu na kèhtí hě ǒ natasímō èkǔ nu tara. Kònōhǒ lè ǒ Bethel èghā dǒ lè ma taluhō-i è gholā,” è do rû. Bǎnu, Jacob do èphû, èmä dǒ èkòjǒ ha è ò ô rûsirûphǒ nu toō, “Lajalô Bicā èkhōra èlē-èjo. Mathaka thǐ cô rǐ cô cǒ nu, alūhtǐ-kōnǒ dǒ bǒkhlējalô thǐtakǔtatho. Pa bā sahōja ô wajô dǒ pa bā lè ò ǒ Bethel. Hě thō lè ma taluhōi Bicā ègholā ô wanu. Ènā mẽ Bicā ha hě khōbājōbā èkhī è magē hě dǒ hě tǒ wa-ā tètè è ògū hě nu tara,” è do rû. Jacob èphû, èmä dǒ èkòjǒ ha è ò ô rûsǐ rûphǒ nu toō phǐ Bicā èkhōra èlē-èjo dokēu è î-ja wa Jacob dǒ Jacob lulōja ô hāla. Htǒtòkhǒ è cǒ salè rûkhǒ ô Bethel.

Bǎ è tǒlè rûkhǒ ô Bethel èkhī nu, Jacob lè ma taluhō-i ègholā dǒ è athūbūthābǎ. Bǎ è ò wanu èkhī nu, tinitathǎ, Bicā lihōni nā dǒ è do rû, “Jacob! Na mi mẽ Jacob, mèbû kònōhǒ cǒlè hǒ bā ka na wa Israel. Hě mẽ Bicā Taèdū. Hě thō î na dǒ naphûhtǐligū èta-ōcǎ-dǎbē wa htǐghā hajô taghā. Hě thō ma ò-a-parō lolēblēsǔ naphûhtǐligū. ǒ nasǔnalē èkǔ nu, kòjǒ thō òhǒ wa èmǒ èmō dǒ saphrā thō òhǒ depe,” è do rû. Bǎ Bicā do htǒ nā thakajô èkhī nu, è lumahtāja rû. Bǎnǔèkhī, Jacob phǐ lô tama dǒ è lūlò nā-i wa gholā hanu tapē. È sǔra rû wa thōbisihǐ dǒ htehtǐ dǒ è do gholā hanu tapē èmi wa “Bicā èsǐ.”

9. Joseph Ètasĩmō

Jacob numē, èphûmākhō ō sī dǒ thòghli. Èta mē Judah dǒ èthăpūwē sī dǒ tara. Èphûmākhō sī dǒ thòghli èkă, è ma-i khlǒ rû mē Joseph dǒ èpūkònǒ nu tara. Joseph èsīdǒ mē, è ma grākhǒ dǒ è ma coklîcojăkhǒ to rûta dokēu èwē thiti kětǒ nā haō. È lè kētũgû èwē thīti èthǒ numē, èwē thīti ma tètètē mē è ge sōba-i lotara wa èphă ècă èwē thīti kětǒ nā dǒ è cǒdũdũ kětǒ rû haō.

Tini, Joseph sĩmō dǒ è sōba-i wa èwē thīti, “Kēnā hētāsĩmō rûkhǒ. Hě sĩmō wa pa aka bu ô lèkũ dokēu hě bēlò hě cutũ dǒ è sathèrè plāthă. Bănũèkhī, thī cutũ toō lè ō trēwe nā dǒ è hulò thābă rû,” è do. Bă èwē thīti kēnāhǒ ètasĩmō thakajô nu, “Na thō htũhǒ că wa pa saphrā èdo ò?” è do rû.

Tinipe è sĩmō thòdǒ tagā pe. È sōba-i thòdǒ wa èwē thīti dǒ èphă, “Hě sĩmō thòdǒ tagā pe. Hě sĩmō wa lumū, lă dǒ sâ sī dǒ tama hulò-thabă hě,” è do. Èphă do nā, “Natasĩmō tikí, èrièkě mē tètè? Mē hě dǒ namō dǒ napūnawē thō hulò-thabă na ò?” è do rû. Bă èwē thīti kēnāhǒ thòdǒ ètasĩmō thakajô nu è cǒdũdũ kětǒ rû. È cǒdũdũ kětǒ rû haō. Mèbû èphă nu, è nāthu-ihū to tara èphû Joseph ètasĩmō ô èthòkũ.

10. Thǎpūwē Asǎ-āja Ēpū Joseph Wa Rŭ Kĩsĩ

Tini, bǎ Joseph èwēmākhǒ toō cǒ lèkē-i thǒ dǒ pē ǒ ghājī èkhīnu, Jacob do èphū Joseph “Cǒ lèkē nawē thīti nī. È ō ma rŭkhǒ thakapè. È ōba-ōgrò, ōmo-ōtē kēsô rŭkhǒ ò. Taphŭtali ō ma thakapè lèkē dokēu ge sōba-ithǎ hě” è do rŭ dǒ èta è cǒ lè.

È lè lè dokēu, bǎ è thō tōlè ô èwē thīti ō nu, èwē thīti kēgehtī nā dǒ, “Pra sǐmō lè ǒ nu, pa mathija nā wò?” è lò do rŭ. Mèbū èwē khŭprā nu tara do, “Ma thŭhtŭ-kāmā komā nā dǒ mathī komā nā. Bēlòtenuja tapā nā ô takŭ èlikŭ hanu,” è do è pū toō. Bǎ Joseph tōlèbā nārŭkhǒ èkhīnu, è apō rŭ dǒ è bǒhōja rŭsidǒ ha èphǎ ma coklīcojāni to nā nu dokēu è bēlòtenuja rŭ ô takŭ èlikŭ.

Bǎ è bēlòtenuja htǒ Joseph rŭkhǒ ô takŭ èkhīnu, è kēlèhtī pra-āgha tapŭ, è thō lè ǒ Egypt èghā. Bǎnŭèkhī, èwē tara do, “Pa asǎnija bŭ nā wa kòjǒ hanu tapŭ wò?” è do. Bǎ kòjǒ hau tapŭ tōlèbā nārŭkhǒ èkhīnu, è phīhōgethǎ Joseph ô takŭ rŭkhǒ dǒ è asǎnija rŭ wa rŭ kĩsĩ nǎ. Kòjǒ hanu tapŭ cǒ lèka-ija Joseph ǒ Egypt èghā. Bǎnŭèkhi, Joseph èwē toō phī pē tadǒ dǒ è mathī rŭ. È phī Joseph èsidǒ dokēu è jòhtalè rŭ dǒ è acucō wa pē èthū. Htǒtòkhò, è ge dili wa èphǎ rŭkhǒ dǒ “Pa kèhtī sidǒ hajô tapru ǒ klèlo nī, mē naphū Joseph èsidǒ ò?” è lè rŭ. Èphǎ kē sidǒ hanu tapru dǒ “È mē khē. È mē hěphū Joseph èsidǒ. Taphŭtali mathija htǒ towǎ hěphū kharā,” è do dǒ è jī è hā. Èphŭmākhǒ hanu toō alě nā mèbū è ě haō. “Tō htŭ hě thī nu, hě bā thòblathòjū-i tara hěphū Joseph,” è do dǒ è jī è hā, thòblathòjū.

11. Joseph Khōgūkhōhtēbā Ô Egypt Èghā

Bă pra-āgha tōlèi Joseph ô Egypt èhtìèghā èkhīnu, è lè asă rû. Saphrā Pharaoh èkhlīphû èdūèprā tara lè aprī nā dǒ è ge ma rû wa ègū. Joseph numē è tō wa tètē Bicā ôgū nā dǒ Bicā suri nā èkhūècǎ è ma tètètē mē èta èdūhō htūhō. Ètaphîtama tǒthūbāthò wa èsībicā dokēu, èsībicā mākħō òlò-ālònija lô nā wa taphîtama ha è bāsē wa sīlòphǒdōkǔ nu kǔtagā dǒ è î-kē dǒ è î mato rû.

Joseph numē, ègrā dokēu èsībicā māmū thòjū nā. “Ge gū hě ô lāsīmīkǔ,” è do rû kǔtīni. Mèbû Joseph ē nā haō dǒ è do rû, “Hě sībicā mākħō numē è lalòni khě hě wa taphîtama ha è bāsè wa sīlòphǒdōkǔ nu kǔtagā mèbû è lalòni hě wa na haō. Hě thòtē ma ta ha ècicǔ-ũnā nu haō dǒ hě thòtē mamă Bicā haō tōtō,” è do rû.

Mèbû ènōkǒ tini, bă gūphû èkhōra ô ô sīkǔ dǎra haō èkhīnu, èsībicā māmū lègū-iglô èsidǒ dǒ “Gegū hě ô lāsīmīkhū,” è do rû. Bănuèkhī, Joseph tǒrē plēthāphā nā dokēu èsidǒ ôjatǒ ô rúcudékǔ.

Bănuèkhī, èsībicā māmū ka gūphû èkhōra toō dǒ “Thǐ kēkē, thībicā mākħō kage Hebrew èmākħō tara, è nāthu è thō lèsimīgū hě dokēu hě è nā haō. Hě jī hě ke dokēu è laja èsidǒ hajô dǒ è cǒ plēja,” è do. Bă èwū gebā nā èkhīnu, è sōba-i rû dokēu èwū kěthò taghā Joseph dǒ è bēlòteja rû wa hto.

12. Joseph Sōba-i Gūphū Thòghli Ètasĩmō

Bă Joseph ō ô htokũ èkhī nu, Bicā ōgū nā dō Bicā suri nā dokēu è ma tètètē mē èta èdũhō htũhō. Pra kē-i hto èdũèprā tara thòjū wa ètaphītama dokēu è lalōnija rū wa ètaphītama kũtagā ô htokũ dō è î-kē-ija rū wa pralòtehto èkhōra toō. Bă è ō ô htokũ èkhī nu, saphrā Pharaoh ègūphū thòghli lòte dōu hto. Tara mē pra prōunā èthōkō. Tarape mē pra prōunā èthōbisihtī. Bă è ō rũkhō ô htokũ èkhīnu, tana è sĩmō rũkhō. Bă lumũlĩ èkhī, è ō thòblathòjū dokēu Joseph lè nārũkhō, “Thĩ sa ō thòblathòjū mètè?” è lè rū. È dothã rũkhō, “Pa sa sĩmō ma pro thakajō. Èrièkē mē tètè? Mē hō thō sōba-i gō patasĩmō èrièkē tholè?” è do rũkhō. Joseph dothã nārũkhō, “Hō sōba-i gō dără haō. È ma thĩjã-i gō hō mē Bicā taranã mèbũ thĩ sōba-i kē hě wa thĩtasĩmō.”

Bănũèkhī, tara è sōba-i Joseph wa ètasĩmō, “Hě sĩmō wa thōbisimū ō tamū. Èphō ō thũphō dokēu è lã phĩdō dohō dō èphĩdō phōhō thãhō taplãkhãnã. Èthã nulě, è phĩdō mĩhō dokēu hě ade èthãmĩ hanu dō hě gĩnu èhtĩ ô saphrã èkhèkũ dō hě lè-i wa saphrã,” è do. Joseph do nã, “Na tasĩmō èrièkē mē thakajō, èbò thũni depe mē, na thō sahōbãthã ô khō dō na thō nibãthã naghōlã. Bă na sahōbã ô khō èkhīnu, thĩnã-i hě hō. Thēpenã komã hě nĩ. Sōba-i saphrã wa hěrihèkē mathaka hě cō sahōbãja dōu ố htokũ wajō nu,” è do rū.

Tara-i pe, è sōba-i dōu Joseph wa ètasĩmō, “Hě sĩmō wa hě sa dō-i thōkōkhrō thũma. Ồ èlãkhũkhlō nu tama èkũ mē, thōkō ha saphrã lã ã ènakhĩ nu ō wa èmōèmō mèbũ htũ lè ãja lô,” è do. Joseph do nã, “Natasĩmō èrièkē mē thakajō, èbò depe thũni numē, na thō sahōbãja dōu ô wajō mèbũ saphrã thō mathĩ na. È thō petu naghō dokēu è thō cõra nanãdũ ô thōlo dō htũ thō ã na,” è do rū.

Bă èbò thũnithũthã èkhīnu, saphrã Pharaoh ma ètaōlò èni pwědũ tapwě. È mālè ègūphū, klĩphũjèphū èdũèprã nu toō dō è ìhōgethã dōu ègūphū hanu thòghlĩ ô khō. Mèbũ pra prōni èthōkō nu tara mē, è mathĩja rū thaka Joseph do ètē nu. Pra prōni èthōbisihtī nu tara mē, è ìthã rũgholã. Mèbũ gūphū hanu tara thĩnã-i Joseph haō. È thēpenãja tara rū.

13. Joseph Sōba-i Saphrā Ètasĩmō

Bă Joseph sōba-i htō saphrā Pharaoh ègũphũ nu thòghli ètasĩmō èrièkě nu, è ò mopě ô htokũ. Bă èbò ghide nu, saphrā Pharaoh sĩmō coklĩcojă dõu tagā. È thòjũ thĩjă wa ètasĩmō èrièkě dokẽu è ka lô Egypt phũli èprapro dõ kòjõ ha è kě gõ kòjõ nu toõ kũtara dokẽu è lè rũ. Mèbũ kòjõ hana toõ sōba-i gõ nā dară haõ.

Bănũ, pra prõni èthõbisihtĩ nu tara do nā, “Kô saphrā, hě thòjũ sōba-i na ta tagā. Bă hě dõ hěkhõ ha è prõni nathõkõ nu tara pa lote hto èkhĩnu, pa sĩmō dokẽu Joseph hõ do tara sōba-i pa èrièkě dõ è do ètẽ èta è htũhõ mèmè thalè,” è do saphrā. Bănũèkhĩ, saphrā htõ lè ka kòjõ wa Joseph ô htokũ. Bă Joseph tõlèbā saphrā èkhĩnu saphrā do na, “Hě sĩmō coklĩcojă tagā. Hě thòjũ thĩjă-i wa èrièkě. Hě lè lôhtõ Egypt phũlĩ èprapro dõ pra ha è kěgõ kòjõ nu kũtara mèbũ è sōbagõ hě dară haõ. Hě kěnhõ na sōba-i gõ kòjõ ètasĩmō èrièkě è do dokẽu hě ka na, na sōbaikẽ hě,” è do rũ. Joseph dothă nā, “Hě thănā hě sōba-i gõ to haõ. Mẽ Bicā mathĩjăi hě dokẽu hě ku sōba-i gõ tara. Saphrā sōba-i prẽ hě wa ètasĩmō haõ wò,” è do rũ. Saphrā do nā, “Hě sĩmō wa hě ò ô lorẽ taghlò dokẽu pũmõ èbũèthũ ègrā-èmo ò ô lokũ hõ nẽdõ dõ è hõ ā èsa ô lorẽ. Htõthòkhò-ò pũmõ ègè-èphrĩ hõ thòdõ nẽdõ pe dõ è hõ ũnu thākũjalõ pũmõ èbũ-èthũ ègrā-èmo nu nẽdõ. Htõdokẽu hě sĩmõ thòdõ thaplā pe. Hě sĩmõ wa bu ò tamũ. Èpro ò nẽpro dõ èthā mẽ è sò, ènā ò. Htõdokẽu bumũ hõ thòdõ tamũ pe. Èpro ò dõu nẽpro mèbũ èthā mẽ è thũ, ènā ò haõ dokẽu è ũnuthākũjalõ bu ha ènā ò dõ èthā sò nu nẽpro,” è do rũ.

Joseph dothă nā, “Saphrā sĩmõ wa ghĩmõ, mèbũ èrièkě mẽ tagā nă. Pũmõ ha èbũ-èthũ ègrā-èmo nu nẽdõ dõ bupro ha èthā sò ènā ò nu nẽpro mẽ, è dĩli bu-hũ, tathā-taphõ thõ ò-aparõhõ depe nẽdẽ èkũ. Mèbũ pũmõ ha ègè-èphrĩ nu nẽdõ dõ bupro ha èthũ-èphĩ nu nẽpro mẽ è dĩli tathòwithò thõ õhõ depe nẽdẽ bã bu-hũ, tathā-taphõ ò-aparõhõ htõ nẽdẽ nu. Mathakanu ècã, saphrā tõrũ kěla kòjõ ha ègõèblò, ètathĩjă õbẽhõbòlò nu tara dokẽu la bẽplõ nā wa bu-hũ, taphõ-tathā ha è ò-aparõhõ depe hau nẽdẽ èkũ dõ la kě-i-ma-i nā. Matètèdomẽ Bicā sōba-i ũnā saphrā wa taritakě ha è thõ htũhõ mèmè depe nu,” è do rũ. Saphrā dothă nā, “Bicā sōba-i na dokẽu na ku sōba-i gõ tara. Hõ tathĩjă thõ õkhõ pe towă na dară haõ. Hě thõ ì-ma tara wa na thaka na do ètẽ nu. Kònõhõ hě thõ ìkẽ-i na wa Egypt phũlĩ èhtĩèghā thăghāla dõ kě dõ ma to thaka na do htõ ètẽ nu,” è do rũ. Bănũèkhĩ, saphrā ìkẽ-ija nā wa Egypt èhtĩèghā thăghāla. È phĩni rũmă tara dokẽu Joseph õgũ emă hau tara dõ è phũ ò thòghli.

14. Thăpūwē Lèpri-ā Saphī Ô Joseph Ô Èrikû Taplā

Thaka Joseph do ètē nu bu-hũ tathā taphō ō-a ō-rōhō mēmē ô Egypt èghā nēdē èkũ dokēu Joseph bēplō ũnā. Bă èbēhtō nēdē nu, tathōwi-thōō ōhō mēmē dđ kōjđ ô htighā èkhōra lè pri-ā pri-ō ô Egypt èghā.

Bă Joseph èphă Jacob kēnāhđ thakajō nu, “Sa-ā saphī ō-a-ōrō ô Egypt èghā hđ do, lè pri-ā rŭkhđ,” è do èphûeli. Èphû toō nulě è cđ lè rŭkhđ. Bă è tōlè rŭkhđ ô Egypt èghā nu, è lè kēhtī Joseph mēbū è thījāi wa pū rŭkhđ haō dđ è lèhŭlò rŭ tromo. Bănuèkhi, Joseph thīnā-ihōthă étasĩmō dđ èrī. Joseph mathaka è thījā rŭ rŭkhđ haō dđ “Thĩ mē hōtholè? Thĩ ō wa-atè lè?” è lè rŭ. “Pa ō ố Canaan èhtīèghā lè. Pa thōwi thō-ō dokēu pa thō lè pri-ā saphī pa do,” è dothă Joseph rŭkhđ. Mēbū “Hě jū-a thĩ haō. Thĩ mē kōjđ ha è rī-a haō nu toō khāra. Thĩ thō lè atŭ-aso Egypt èhtīèghā khāra,” Joseph do nārŭkhđ. “È mē haō. Pa thăpŭthăwē ō sĩ dđ thòghlī mēbū papū thīja tara dđ èkònđ nu tara mē è ògŭja paphă ô sĩ,” è dothă rŭkhđ. Mēbū Joseph tōrē do nārŭkhđ, “Thĩ mē kōjđ ha èrī-a haō nu èkhŭcă hđ bā bēlòte thĩ wa hto,” è do rŭ dđ è bēlòteja rŭ wa hto.

Bă èbòhtō thŭni thŭthă èkhīnu, Joseph ihōgethă nārŭkhđ ô khđ dđ è do rŭ, “Kònđhđ mathaka hě cō thījāi thĩ mē kōjđ èrŭ hamē èrī-ā haō nu, hđ bā kaō-ija thĩ wajō tara. Èkhōra toō ge, gei thĩphŭ thĩmă è sa-ā saphī dokēu lèka-i thĩpŭ èkònđ nu tara ô wajō. Thĩ ma thakau doani thĩ mē kōjđ èrŭ bă èrīā haō, hě ku thījă,” è do rŭ dđ è ka-ō-ija rŭ tara. Bănu, Joseph dohŭ ègŭphŭ toō, “Bēnŭni ènārŭkhđ bu-hũ, taphō tathā ô bulōtokŭ dđ bēnŭnithă lô èrŭ rŭkhđ,” è do rŭ. Joseph do ètē ègŭphŭ ma dđ è cđ îgethă rŭ rŭkhđ. Bă è ge rŭkhđ ô klèlo èkhīnu, è òdă dđ è thō i-ā èthirī sa rŭkhđ dokēu, è bđhđ èbulōto dđ è kēhtithă tara èrŭ ō ô èbulōtokŭ rŭkhđ. Bănu, è thòkònđ dokēu è cđ phídđ sa thèrè gethă rŭkhđ.

Bă è tōgebā èphă rŭkhđ èkhī nu, è ge sōba-i rŭ taritakě ha è htŭhđ ô Egypt èghā nu toō dđ bā lèka-i èpŭkònđ rŭkhđ nu. Èphă do nārŭkhđ, “Tōpđ hě sŭjahtđ wa hěphŭ Joseph apa, kònđhđ hěphŭ ōja thòdđ ô htokŭ tara dđ hě thō sŭ thòdđ că wa hěphŭkònđ hajō tara ò,” èphă do tara nārŭkhđ thakanu.

15. Thăpūwē Lèpri-ā Saphī Ô Joseph Ô Ghiplā Taplā

Bă Joseph èphă dô èpūewē ājalôhtô bu-hũ dô taphôtathā ha è lèpri-ā rûkhô ô Egypt èghā nu, èphă htôlè aprithă thòdô nārûkhô. È dothă èphă rûkhô, “Na bā htôlègû pa wa, pa pūkônô haô doani, pa lè dā pe haô. Matètèdomē, kòjô ha è kē-i Egypt èhtîèghā nu tara do pa, ‘Thĩ lèka-i thĩ pūkônô haô doani, thĩ bā lè kēhti pe thèdè hě môghĩ thaplāpe haô’ è do pa,” è do rû. Bănuèkhĩ Judah do, “È ma thaka nu ècă, thală pa ô tara dô pa thòwi thò-ô nu htôlègû bû nā wa pa. Hě kē-i ma-i towă nā depe. È bā cõ ma mèmè tatimi doani è ô towă ô hě cudèkũ. Na thòle ìkhô hě tètètè, hě khô towă depe,” è do. Èphă dothă nārûkhô, “È ma hau doani thĩ lèka-i prē nā haô wò. Phîlèthă lô rũ ha thĩ kēhtithă ô thĩbulôtokũ nu dô phîlèthă to èkhôra, thĩ thô lè apri wa bu-hũ, taphôtathā nākhi,” èphă do rû dokēu è cõ lèkă-i è pū kônô rûkhô.

Bă è tôle rûkhô ô Joseph ô èkhĩnu, Joseph kēhti èpūkônô lègû ewē thiti dokēu è do ègûphû toô, “Geka-i kòjô hanu toô ô hēsĩ. Hě thô ā-ôplô nārûkhô depe dokēu prônā sa-ā saphĩ,” è do rû. Bănu Joseph ègûphû cõ geka-i nārûkhô ô Joseph èsĩ. Bă è tōge rûkhô ô sĩ nu, è do ghûphû rûkhô, “Pa lè pri-ā htô bu-hũ taphôtathā tòkhô taplā. Mèbû bă pa ge ô klèlo èkhĩnu, pa kēhtithă tara parũ ô pabulôtokũ dokēu pa lè-ithă kònôhô,” è do. Joseph ègûphû do nārûkhô, “È bākhe haô, mē thĩ Bihtô Bicā î towă thĩ depe,” è do rû. Bănu èkhĩ, è lè kahôthă dôu ha è bëlôteja rû wa hto nu tara dô è ge-ôplôthă lô rû ô Joseph èsĩ rûkhô.

Bă èkhibā ā-ô nu, Joseph gebā nārûkhô dô è do rû, “Thĩphă ôba ôgrò tara ô? È gā-u hanu tara mē thĩ do thĩpū èkônô nu ô?” è lè rû. “Ô! Pa phă ôba ôgrò tara. Hajô tara mē pa do papū èkônô nu tara,” è dothă rûkhô. Bănu, Joseph i-ā i-ô nārûkhô dô bă è ā-ô rûkhô èkhĩnu, Joseph dohū ègûphû toô, “Bēnuni nārûkhô bu-hũ, tathātaphô. È ge-i dā ètè bēnuni nārûkhô dô phĩ hěkhèrũ dokēu bēnu ô ègāu nu tara èbulôtokũ,” è do rû dô ègûphû nulë è do rû ètè è ta è ma.

Bă èpūewē ā-ô htô èkhĩnu, è cõ îgethă lô rû. Mèbû bă èpūewē ge tûlû dũ hõ we haô nu, è ka èklĩphû toô dô è do rû, “Lûgûthă kòjô hanu toô dô thĩ bā gûtakā nārûkhô doani, ‘Thĩ phîgehũja mata pasaphrā èkhèrũ tè? Thĩ ma ta èrĩ-ā haô nu mètè?’ do nārûkhô,” è do rû. Èklĩphû toô lûgûthă èpūewē. Bă è gûtakā rû èkhĩnu, è do rû thaka Joseph do nārûkhô nu. Joseph èpūewē toô dothă nārûkhô, “Pa sa thô ma thakau mètè? Ta rũ ha pa kēhtithă ô pa bulôtokũ nu, pa cõ lè-ithă thĩ āpa. Thĩ do bû thĩsaphrā èkhèrũ mē pa thô āhu mètè? Kēla prē haô wò. Thĩ kēhti ô è ô tara doani ma thĩ nā. Pa èkhôra toô pa khò towă saphrā ègû,” è do rûkhô. “Thaka thĩ do nu èhtũhò towă,” klĩphû toô do nārûkhô dô è kēlabā rû khèrũ dokēu è lè kēhti ô ènārûkhô èpūkônô èbulôtokũ. Bănu èkhĩ, ènārûkhô thòkônò, thòblathòjũ dô Joseph èklĩphû toô cõ gekā-iplāthă nārûkhô ô Joseph ô.

16. Bicā Ma Ō-aparō lōlē-blēsū Jacob Èphūlihtīgū Ō Egypt Èghā

Bă Joseph èpūewē tōlēplāthā ô Joseph ō èkhīnu, è lèhulò rû tromo. Joseph do nārūkhō, “Mē thī āhu hēkhērū mètè? Kònōhō pra āhū hēkhè nu tara mē, è bā htū wa hēgū, è khōra toō ge,” è do rû. Bănū èwē èkă tara do, “Eh...ma kēsō komā thakau komā. Igegūthā bû nā wa èwē thiti. Ènākhī hē khō tapā towă nagū. Matètèdomē è bā gegūthā èwē thiti haō doani, paphă numē è thō thòbla thòjūbā dō è thō thòblathī mèmè tara,” è do Joseph. Bănūekhī Joseph kō-i pē pe ètathòhā haō dō è i-sahōjalô ègūphū ô khō. È jī è hā dō è do èpūewē, “Hē mē tara Joseph ha thī a-sālēja hē ō Egypt èghā nu tara. Thī nāthu ma hē wa ta èri-ā haō, mēbū Bicā nu mē è ma hē wa taèrū. Mathaka hē cô malūhōge kōjō ō tathòwi thò-ō èkū nu, Bicā î lèrī towă hē wa thī ô wajô. Mathakanu ècă, bajô-i komā, sisă komā, sōra taragă to komā takāmā ô thīlo komā. Kònōhō gekathā paphă dō thīphū thīmă dokēu lè-ōja ô Egypt èghā wajô. Matètèdomē, tathòwi thò-ō thō ōhō mopē depe yēdē pe,” è do rû. Bănū, mathaka è cô dōlè-i wa è takitakū dō hōdolèi rūkhō ènākhī nu Joseph i-ge nārūkhō thirīlō. Lā-ā lā-ō ô klèhūtōlo ènakhī è i-ge rû sa-ā saphī dokēu è cō gethă rūkhō.

Bă è tōgethă rūkhō ô sī èkhīnu, è ge sōba-i èphă rūkhō wa taritakē ha Joseph do nārūkhō dō Joseph htūpra mopē èrièkē. Mēbū èphă jū-ā nārūkhō haō. Bănū èkhī, è dīli rû takitakū ha Joseph î-ge nārūkhō nu toō dō bă èphă kēhtī takitakū hau èkhī, è thòlethòtē dō è do, “Eh...hēphū Joseph le-ō htūpra mopē ò. Bă hē htūpra-lakā mopē èkhīnu hē tō lèkēhtī nisī nā,” è do dokēu è prō ètakitakū dō è cō lè rūkhō.

Bă è lè ô klèlo èkhīnu, è lè ōdă ô ghā taghlò dokēu Bicā lihōni Jacob dō è do rû, “Jacob, kònōhō na thō lè ō Egypt èhtìèghā nākhī numē sisă komā, bājô-i komā. Hē thō ōgū na. Hē thō suri na dō hē thō ma lōlēblēsū na phūlihtīgū,” è do rû. Bă Bicā do htō nā thakajô nu, ènā dō èphûèli sathèrè lè lèthă. Bă è tōlè rūkhō ô Egypt èghā nu, Joseph lèsū nārūkhō dō è î-ō rû ô Egypt èghā taghlò ha saphrā Pharaoh î-ō nārūkhō nu.

Bă è ō rūkhō wanu èkhī, èphûèli lōlēblēsūhō ō-a-parō. È taphūtali mē è lōlēblēsū ō-a-parōhō dōu dokēu è dūjōmōtrōhō rūkhō. Bă Jacob prālò è thō thī èkhī nu, è ka èphûèli dō è suri rû. È do è phū Judah, “Nasūnalē èkū mē saphrā thō ōhō depe” è do rû dō èphū Joseph mē, è î khō rû tasuri wa èpūewē ghiplā. Bă Jacob suri htō èphûèli nu, ō ō dokēu è thīja.

Ènōkō Joseph nulē è prālò dō bă è thō thī èkhīnu, è ka èpūewē, èsùèkhō dō è do rû “Kònōhō hē prālòhtō, hē thō thī htō, mēbū hē thīja depe kēmē Bicā ōgū towă thī. È thō kē-i thī dō è thō suri thī. È khibā depe è thō kasahōja thī ô wajô dō è thō thōgethă thī ō Canaan èhtī èghā ha è malòghlò wa paphă Abraham, Isaac, Jacob nu taghlò,” è malò rû thaka nu.